



■ 昔日的衛詩雅不介意拍親熱戲。



資料圖片 ■ 衛詩雅讚未婚夫無所不知。

計劃明年初結婚 讚未婚夫優點多

# 衛詩雅過唔到自己

## 抗拒拍親熱戲

準人妻衛詩雅昨日出席活動宣傳

新款隱形眼鏡，她笑言自從轉用新款隱形眼鏡後，視野變得清晰，更立即找到從事醫美的未婚夫。她坦言現在很抗拒拍親熱戲，因為就算未婚夫不介意，她亦過不了自己一關：「覺得唔係咁好！」

日前衛詩雅在社交網宣布獲未婚夫求婚成功，她受訪時表示求婚當日是去年的生日驚喜：「求婚過程都好驚喜同估唔到，當時係我生日出去食飯，我差唔多要開始拍《破·地獄》，已經投入角色，成日黑口黑面，所以求婚係有啲應接不暇。但佢好醒目，一早夾好陳家樂同屋企人，我覺得好感動。」

### 性格極端最啱Key

詩雅大讚未婚夫優點數之不盡：「我同佢係兩個極端嘅人，佢好冷靜，我就易激動，好多時佢可以安慰到我。另外佢又乜都識，好似Google咁問乜都知，覺得可以同佢成為戰友，原來搵到Mr. Right嘅感覺係咁樣。」記者笑她找到醫美老公，可以慳回不少美容費用，她坦言：「係呀！我仲可以介紹畀大家，依家對自己皮膚嘅要求都要更高。」問到是否已落實婚期？她說：「其實我仲混亂緊！第一件事應該要做乜？連影婚紗相都未諗，我希望出年年初，應該會嚟香港舉行，想多啲親友嚟。」問到婚後會否積極造人？她笑言沒想到太長遠。



■ 衛詩雅坦言求婚當日驚喜滿分。

詩雅表示老闆楊受成得知喜訊後，已承諾送大禮。問到婚後會否減少演出？她說：「唔會，反而要接多啲工作，因為多咗一頭家要養。」不過她坦言抗拒拍親熱戲，她解釋：「佢唔介意，我都介意！雖然佢睇我嘅親熱戲時表現好大方，但感覺都唔係咁好！（你可以先同未婚夫試戲。）我有嘍！佢見我睇劇本嗰陣，會問我使唔使試戲，結果就愈做愈衰，哈哈！」



■ 將做人妻的衛詩雅零舍風騷。

## 直腸直肚得罪人多 谷婭激自爆想從政

將於7月17日晚在東蒲胡李名靜體育館舉行歌迷聚會的谷婭激，日前到新城電台接受訪問。入行15年的她直腸直肚，入行初期得罪人多稱呼人少！她坦言現時性格沒變，變的只是心態：「以前啲人會覺得我寸，但了解我之後知我講嘢係咁，我當你係朋友先講真嘢。」提到有指不少歌手曾跟她學唱歌，都試過被她責罵，但做得好則會獲讚揚，激激笑言：「邊個話我鬧佢？我從來唔鬧人，鬧人係最低級做法，我只會用第二個方法解決，例如《中年好聲音2》有兩個學生開唔到聲，我叫佢同一個動作做50次，睇住佢做，做到啱為止。」

熱愛唱歌的激激自爆想過從政：「如果我唔做歌手，我會去做ICAC（廉政公署），因為細個睇電視劇，見佢哋擺住個證行出嚟好有型，所以追溯到最後我好想從政。記得5年前同朋友行街見到選議員，我都好有衝動去選。」



■ 谷婭激性格耿直，不會為他人改變性格。

## 林夏薇閃爆賀生日

■ 林夏薇推出自家鑽石品牌。



無綫視后林夏薇昨日在社交平台公布籌備已久的鑽石品牌終於「出世」，更親自上陣擔任代言人。她上載兩款造型靚相，分別戴上陽光雛菊及黃鑽兩個不同系列的鑽飾，一次過展現高貴優雅、清新簡潔的美態。向來感性的薇薇好想透過鑽飾生意向身邊人表達心意，她寫道：「趕得切，今年送畀自己嘅生日禮物，就係實驗室培育鑽石品牌Flourishan終於出世喇。成日都覺得愛要及時，表達愛更要及時……好想透過每一件Bling Bling的鑽飾，讓大家都有個閃爆人生。」

## 吳大強想做范明熙老爺

范明熙（小V）推出首支派台歌《隨便放閃》，正式出道成為樂壇新人。昨日她舉行新歌發布會，獲吳大強到賀。吳大強表示曾與小V合唱，暱稱對方為「仙女」，因小V外形甜美又有唱歌潛質。問到可想對方做他新抱？吳大強笑言：「要睇緣分，不過我四個仔都單身，要約食飯喇，哈哈。」提到《中年好聲音3》開始招募，他表示大力支持，會鼓勵有潛質的朋友參加，又指今次先在大灣區及馬來西亞進行海選，參加的人必定水平更高。



■ 吳大強讚范明熙人靚聲甜。